

四庫全書

經部

欽定四庫全書

周禮述註卷二十二

安溪李光坡撰

○冥氏掌設弧張

註曰弧張置罽之屬所以扃緝禽獸

○為阱獲以攻猛獸以靈鼓毆之

註曰靈鼓六面鼓毆之使驚趨阱獲

○若得其獸則獻其皮革齒須備

註曰鄭司農云須直謂頤下須備謂搔也 冥音覓

毆丘于反後同量昌容反罍音浮局古榮反絹音犬

搔音爪

○庶氏掌除毒蟲以攻說禴之嘉草攻之

註曰毒蟲蟲物而病害人者賊律曰敢蠱人及教令者棄市攻說祈名祈其神求去之也嘉草藥物其狀未聞攻之謂燻之鄭司農云禴除也玄謂此禴讀如潰癰之潰 疏曰攻說禴之據去其神也嘉草攻之

據去其身也 字彙曰柳子厚種白蘘荷詩云庶氏
有嘉草攻禴事久泯是嘉草即蘘荷也蘘荷春初生
葉似甘蔗根似薑芽而肥性好陰

○凡毆蠱則令之比之

註曰使為之又校次之 庶註作煮一音章預反禴
音潰說如字燠許云反蘘汝陽反

○穴氏掌攻蟄獸各以其物火之

註曰蟄獸熊羆之屬冬藏者也將攻之必先燒其所

食之物於穴外以誘出之乃可得之 鄭剛中曰魚

龍有淵鳥獸有山林窟穴是其所藏之地先王惡其
逼人驅而遠之可也乃特設一官攻而取之母乃暴
乎蓋除害者不待其害已及人然後除也惡其為一
旦之害必先索而除之可也熊羆之屬不可使之藏
於窟穴以俟人之隙則設穴氏以攻未為過矣

○以時獻其珍異皮革

鄭剛中曰若其獸之身可以備珍異之羞如熊掌之

類則必獻以為膳羞其皮與革可以為器用之須則亦獻之以為國家之用然獻必以時則不常攻之矣

○翼氏掌攻猛鳥各以其物為媒而拑之

註曰猛鳥鷹隼之屬置其所食之物於絹中鳥下來則拑其腳

○以時獻其羽翮

翼音熾拑居綺反

○柞氏掌攻草木及林麓

註曰林人所養者山足曰麓 疏曰此柞氏與雍氏
治地皆擬後年乃種田

○夏日至今刊陽木而火之冬日至今剝陰木而水之
註曰刊剝互言耳皆謂斫去次地之皮生山南為陽
木生山北為陰木火之水之則使其肄不生 疏曰

必以夏刊陽木冬剝陰木者夏至陰生冬至陽生陽
木得陰而鼓陰木得陽而發故須其時而刊剝之也
山虞取其堅韌冬斬陽夏斬陰此欲死之故夏陽冬

陰

○若欲其化也則春秋變其水火

註曰化猶生也謂時以種穀也變其水火者乃所火則水之所水則火之則其土和美

○凡攻木者掌其政令

註曰除木有時 王氏曰先王之於林麓欲其材為用則設官為厲禁以養蕃之欲其地宅民稼穡則刊剝而化之帝省其山松栢斯兑柞械斯拔則虞衡之

官脩焉作之屏之其蓄其翳脩之平之其灌其柵則
柞氏之職用焉 柞側百反薙他計反後同斫音灼
刊苦干反肄羊至反鞫音刀翳於計反灌音貫柵音

例

○薙氏掌殺草春始生而萌之夏日至而夷之秋繩而
芟之冬至而耜之

註曰萌之者以茲基斫其生者夷之以鉤鎌迫地芟
之也若今取芟矣含實曰繩芟其繩則實不成孰耜

之以耜側凍土剗之 疏曰此所掌除地從春至冬亦一年之事後年乃可種也

○若欲其化也則以水火變之

註曰謂以火燒其所芟萌之草已而水之則其土亦和美矣月令季夏燒薙行水利以殺草如以熱湯是其一時著之

○掌凡殺草之政令

鄭剛中曰江南主患閣前草生徐鍇令以桂屑布磚

縫中宿草盡死則殺之之瀆不必一年矣 繩音孕
芟所銜反鎌音廉芟音交剗初產反

○若簇氏掌覆天鳥之巢

註曰覆猶毀也天鳥惡鳴之鳥若鴉鵂 鄭剛中曰
唐子西云吾少時讀若簇氏庭氏以為不急之務後
讀聖惠方言有鳥夜飛謂之無辜小兒衣服遭之輒
成疾因以無辜名之狀如五疳是以知天鳥之害有
如此者驅而遠之周公之所建置不可謂不切於事

○以方書十日之號十有二辰之號十有二月之號十有二歲之號二十有八星之號縣其巢上則去之

註曰方版也日謂從甲至癸辰謂從子至亥月謂從陬至荼歲謂從攝提格至赤奮若星謂從角至軫天鳥見此五者而去其詳未聞 王介甫曰日辰月歲星之神凡有氣形者制焉故書其號焉可以勝天

鄭剛中曰鵲忌庚燕避戊己麇逢申日則過街鵲作巢則避太歲狐潛上伏不越度阡陌虎豹知衝破然

則鳥避此五者制伏之理或爾但非明哲有所不知
茗音摘蒺蒼獨反縣音懸覆芳復反鵬音伏陬子
侯反荼音徒廬草夜反

○翦氏掌除蠹物以攻禳攻之以莽草熏之

註曰蠹物穿食人器物者蠹魚亦是也攻禳祈名莽
草藥物殺蟲者以熏之則死

○凡庶蠹之事

註曰庶除毒蠹者蠹蠹之類或熏以莽草則去

註曰除蠱自是庶氏今此云凡庶蠱者同類相兼左
右而掌之 鄭剛中曰日南蠻方以五月五日聚百
種蟲大者至蛇小者至蟲合置四缶中餓使相啗其
獨存者為蠱以其天因食入人腹人輒死 崇音詠
蟲音瑟啗徒濫反

○赤友氏掌除牆屋以蜃炭攻之以灰洒毒之

註曰洒灑也除牆屋者除蟲豸藏逃其中者擣其炭
坩之則走淳之以灑之則死

凡隙屋除其狸蟲

註曰狸蟲塵肌蛛之屬 友音跋狸莫皆反豸直氏反坊蒲悶反肌居其反蛛音求

○蝮氏掌去鼃黽焚牡鞠以灰洒之則死

註曰牡鞠鞠不華者齊魯之間謂鼃為蝮黽耿黽也 蝮與耿黽尤怒鳴為聒人耳去之

○以其煙被之則凡水蟲無聲

註曰杜子春云假令風從東方來則於水東面為煙

令煙西行被之水上 蝮古獲反鼃烏瓜反鼃米引
反鞠弓六反

○壺涿氏掌除水蟲以炮土之鼓毆之以焚石投之

註曰水蟲狐蟻之屬炮土之鼓瓦鼓也焚石投之使
驚去

○若欲殺其神則以牡槀午貫象齒而沈之則其神死
淵為陵

註曰神謂水神龍罔象故書槀為梓午為五杜子春

云梓當為棒棒讀為枯枯榆木名書或為樗又云五貫當為午貫 疏曰午貫者十字為之以棒為幹穿孔以象牙從棒貫之為十字 涿知角反炮步交反

棒音沽

○庭氏掌射國中之天鳥若不見其鳥獸則以救日之弓與救月之矢夜射之

註曰不見鳥獸謂夜來嗚呼為怪者獸狐狼之屬鄭司農云救日之弓救月之矢謂日月食所作弓矢玄

謂日月之食陰陽相勝之變也於日食則射大陰月食則射大陽與疏曰城郭之所人聚之處不宜有矢鳥故去之

○若神也則以大陰之弓與枉矢射之

註曰神謂非鳥獸之聲若或叫于宋大廟謔謔出出者大陰之弓救月之弓枉矢救日之矢與不言救月之弓與救日之矢者互言之救日用枉矢則救月以恒矢可知也射食亦反下同謔許其反出鄭引作

詘劉音出本亦作出

○銜枚氏掌司囂

註曰察蹏謹者為其聒亂在朝者之言語 囂五羔反

謹呼九反

國之大祭祀令禁無囂

註曰令令祭祀者 疏曰令主祭祀之官使禁止無
得謹囂謹囂則不敬鬼神故也

軍旅田役令銜枚

註曰為其言語以相誤

禁詔呼歎鳴於國中者行歌哭於國中之道者

註曰為其惑衆相感動也鳴吟也 鄭剛中曰亦禁

其為妖異之聲以惑衆耳 詔音叫

○伊耆氏掌國之大祭祀共其杖咸

註曰咸讀為函老臣雖杖於朝事鬼神尚敬去之有
司以此函藏之既事乃授之 耆巨之反

軍旅授有爵者杖

註曰別吏卒且以扶尊者將軍杖鉞 黃文叔曰有
爵者皆有統率在軍見王見帥宜當執杖今三衙兵
官常朝亦執杖也

共王之齒杖

註曰王之所以賜老者之杖鄭司農云謂年七十當
以王命受杖者今時亦命之為王杖立謂王制曰五
十杖於家六十杖於鄉七十杖於國八十杖於朝
王氏曰秋物成而養老故列職於此

○大行人掌大賓之禮及大客之儀以親諸侯

註曰大賓要服以內諸侯大客謂其孤卿 鄭剛中

曰語其體則曰禮見於揖遜周旋則曰儀行禮未嘗
不見於威儀威儀未嘗不見於禮其所以異言者別
尊卑耳 要於遙反下文同

春朝諸侯而圖天下之事秋覲以比邦國之功夏宗以
陳天下之謨冬遇以協諸侯之慮時會以發四方之禁
殷同以施天下之政

註曰此六事者以王見諸侯為文圖比陳協皆考績
之言王者春見諸侯則圖其事之可否秋見諸侯則
比其功之高下夏見諸侯則陳其謀之是非冬見諸
侯則合其慮之異同六服以其朝歲四時分來更迭
如此而徧時會即時見也無常期諸侯有不順服者
王將有征討之事則既朝王命為壇於國外合諸侯
而發禁命事焉禁謂九伐之灋殷同即殷見也王十
二歲一巡狩若不巡狩則殷同殷同者六服盡朝既

朝王亦命為壇於國外合諸侯而命其政政謂邦國
之九瀆殷同四方四時分來歲終則徧矣九伐九瀆
皆在司馬職司馬瀆曰春以禮朝諸侯圖同事夏以
禮宗諸侯陳同謀秋以禮覲諸侯比同功冬以禮遇
諸侯圖同慮時以禮會諸侯施同政殷以禮宗諸侯
發同禁 陳及之曰諸侯以春來則曰朝以夏來則
曰宗以秋來則曰覲以冬來則曰遇耳猶漢律春曰
朝秋曰請吳王濞春不朝使人為秋請是也 坡謂

春朝而圖事者蓋當春朝之時則有圖事之禮來朝者與之面圖不朝者亦當有奏白也若謂朝而圖之則非其朝歲之侯遂不與圖乎夏秋冬倣此

時聘以結諸侯之好殷覲以除邦國之慝

鄭剛中曰諸侯之事天子則有時聘殷覲之文大宗伯所謂時聘曰問殷覲曰視是也天子之於諸侯亦有以報其禮故此行時聘殷覲之禮以答之但天子遣行人以往則曰結好除慝此所以不同也諸侯比

年小聘三年大聘矣王又以時遣人聘之春秋書天王使凡伯來聘是也聘則有財以為禮所以結好於諸侯類省視也王者省視其所為慮其有相惡之慝慝者怨惡之匿乎心也積怨不除至於相吞滅者有之為之講解使銷除焉

○間問以諭諸侯之志歸服以交諸侯之福賀慶以贊諸侯之喜致禮以補諸侯之裁

註曰此四者王使臣於諸侯之禮也間問者間歲一

問諸侯謂存省之屬諭諸侯之志者諭言語諭書名
其類也交或往或來者也贊助也致禴凶禮之弔禮
禴禮也補諸侯裁者若春秋澶淵之會謀歸宋財
朝音潮比毗志反頰通笑反間記莧反脈上忍反禴
音會澶市然反

以九儀辨諸侯之命等諸臣之爵以同邦國之禮而待
其賓客

註曰九儀謂命者五公侯伯子男也爵者四孤卿大

夫士也 易彥祥曰爵命不同如此而曰同者命同
於上公皆以九為節命同於侯伯皆以七為節命同
於子男皆以五為節以至爵同於孤則皆以四為節
爵同於卿大夫而有小國次國小國之異命則亦各
祇其命之數而為節以此待賓客則大行人之所掌
有定籍而其爵命之上下隆殺各當於禮而舉不敢
踰其分其為同也至矣

上公之禮執桓圭九寸纁藉九寸冕服九章建常九旒

樊纓九就貳車九乘介九人禮九牢其朝位賓主之間
九十步立當車軹擯者五人廟中將幣三享王禮再裸
而酢饗禮九獻食禮九舉出入五積三問三勞諸侯之
禮執信圭七寸繅藉七寸冕服七章建常七旒樊纓七
就貳車七乘介七人禮七牢朝位賓主之間七十步立
當前疾擯者四人廟中將幣三享王禮壹裸而酢饗禮
七獻食禮七舉出入四積再問再勞諸伯執躬圭其他
皆如諸侯之禮諸子執穀璧五寸繅藉五寸冕服五章

建常五旂樊纓五就貳車五乘介五人禮五牢朝位賓
主之間五十步立當車衡擯者三人廟中將幣三享王
禮壹裸不酢饗禮五獻食禮五舉出入三積壹問壹勞
諸男執蒲壁其他皆如諸子之禮

註曰繅藉以五采韋衣板若奠玉則以藉之冕服著
冕所服之衣也九章者自山龍以下七章者自華蟲
以下五章者自宗彝以下也常旌旂也旂其屬慘垂
者也樊纓馬飾也以屬飾之每一處五采備為一就

就成也貳副也介輔已行禮者也禮大禮饗餼也三牲備為一牢朝位謂大門外賓下車及王車出迎所立處也王始立大門內交擯三辭乃乘車而迎之齊僕為之節上公立當軹侯伯立當疾子男立當衡王立當軫與廟受命祖之廟也饗設盛禮以飲賓也問問不恙也勞謂苦倦之也皆有禮以幣致之鄭司農云車軹軹也裸讀為灌再灌再飲公也而酢報飲王也出入五積謂饋之芻米也前疾謂駟馬車轅前胡

下垂柱地者玄謂三享皆束帛加璧庭實惟國所有
朝士儀曰奉國地所出重物而獻之明臣職也朝先
享不言朝者朝正禮不嫌有等也王禮王以鬱鬯禮
賓也鬱人職曰凡祭祀賓客之裸事和鬱鬯以實彝
而陳之禮者使宗伯攝酌圭瓚而裸王既拜送爵又
攝酌璋瓚而裸后又拜送爵是謂再裸再裸賓乃酢
王也禮侯伯一裸而酢者裸賓賓酢王而已后不裸
也禮子男一裸不酢者裸賓而已不酢主也不酢之

禮聘禮禮賓是與九舉舉牲體九飯也出入謂從來
訖去也每積有牢禮米禾芻薪凡數不同者皆降殺
疏曰此一經總列五等諸侯來朝天子天子以禮
迎待之灋上公執桓圭九寸繅藉九寸此主行朝禮
於朝所執其服則皮弁若行三享則執璧瑞自冕服
九章已下至將幣三享見行三享已前之事自王禮
已下至三勞見王禮諸公之禮樊馬腹帶纓馬鞅貳
車九乘者按觀禮記云偏駕不入王門鄭云左傍與

已同曰偏同姓金路異姓象路四衛革路蕃國木路
此等不入王門舍於館乘墨車龍旂以朝彼據覲禮
覲禮天子不下堂而見諸侯故諸侯不得申偏駕今
此春夏受贄在朝無迎灋亦應偏駕不來今行朝後
行三身在廟天子親迎並申上車明乘金路之等若
不申上車何得有樊纓九就之等以此知皆乘所得
之車也但貳車所飾無文未知諸侯貳車得與上車
同否立當車軹者軹謂轂末車轅北向在西邊亦去

大門九十步公於車東東西相望當轂末擯者五人者大宗伯為上擯小行人為承擯嗇夫為末擯其餘二人是士九獻者王酌獻賓賓酢主人主人酬賓酬後更八獻是為九獻出入五積者謂在路供賓來去皆五積三問者使卿大夫問之有禮以致之所行三處亦當與三勞同處也三勞者案小行人逆勞於畿案觀禮云至于郊王使人皮弁用璧勞註云郊謂近郊其遠郊勞無文但近郊與畿大小行人勞則遠郊

勞亦使大行人也前疾謂若輪人輪深四尺七寸軾
前曲中是也 纜音藻藉在夜反游音留樊步干反
乘繩證反軹之氏反裸古亂反食音嗣積子賜反勞
老報反信音申衣板之衣於既反著丁略反慘音衫
罽居例反齊側皆反蕃音藩轂音谷輪音舟軾音式
凡大國之孤執皮帛以繼小國之君出入三積不問壹
勞朝位當車前不交擯廟中無相以酒禮之其他皆視
小國之君

註曰此以君命來聘者也孤尊既聘享更自以其贄見執束帛而已豹皮表之為飾繼小國之君言次之也朝聘之禮每一國畢乃前不交擯者不使介傳辭交于王之擯親自對擯者也廟中無相介皆入門西上而立不前相禮者聘之介是與以酒禮之酒謂齊酒也和之不用鬱鬯耳其他謂貳車及介牢禮賓主之間擯者將幣裸酢饗食之數 疏曰若行正聘則執瑒圭璋八寸以行聘不得執皮帛也但侯伯以下

臣無此更見灋惟大國孤尊故天子別見之案趙商問孤執皮帛所尊衆多下云其他眡小國之君以五為節今此亦五下云諸侯之卿各下其君二等以下註云公使卿亦七侯伯亦五子男三不審大國孤五而卿七何答曰卿奉君命七介孤尊更自特見故五介此有聘禮可參之未之思耶又問孤出入三積此即與小國同何須特云三積答曰三積者卿亦然非獨孤也故不在視小國之中然則一勞者亦是卿亦

然故須見之牢禮卿亦五視小國君其餘則異案聘禮及掌客可見然則孤聘天子既以聘使受禮又自得禮如是孤瀆再重受禮矣也 相息亮反齊才計

反

凡諸侯之卿其禮各下其君二等以下及其大夫士皆如之

註曰此亦以君命來聘者也所下其君者介與朝位賓主之間也其餘則自以其爵聘義曰上公七介侯

伯五介子男三介是謂使卿之聘之數也朝位則上
公七十步侯伯五十步子男三十步與疏曰及其
大夫士皆如之者大夫又各自下卿二等也士無聘
之介數而言如之者士雖無介與步數至於牢禮之
等又降殺大夫聘義惟見卿各下其君二等仍不見
大夫下卿二等案聘禮云小聘使大夫其禮如為介
三介彼侯伯之大夫三介則亦三十步若上公大夫
五介五十步子男大夫一介一十步可知註不言者

舉卿則大夫見矣

邦畿方千里其外方五百里謂之侯服歲壹見其貢祀
物又其外方五百里謂之甸服二歲壹見其貢嬪物又
其外方五百里謂之男服三歲壹見其貢器物又其外
方五百里謂之采服四歲壹見其貢服物又其外方五
百里謂之衛服五歲壹見其貢材物又其外方五百里
謂之要服六歲壹見其貢貨物

註曰要服蠻服也此六服去王城三千五百里相距

方七千里公侯伯子男封焉其朝貢之歲四方各四分趨四時而來或朝春或宗夏或覲秋或遇冬祀貢者犧牲之屬故書嬪作頰鄭司農云嬪物婦人所為物也爾雅曰嬪婦也玄謂嬪物絲枲也器物尊彝之屬服物玄纁締纊也材物八材也貨物龜貝也 疏曰此因朝而貢與大宰九貢及下小行人春入貢者別彼二者是歲之常貢也

○九州之外謂之蕃國世壹見各以其所貴寶為摯

註曰九州之外夷服鎮服蕃服也曲禮曰其在東夷
北狄西戎南蠻雖大曰子春秋傳曰杞伯也以夷禮
故曰子然則九州之外其君皆子男也無朝貢之歲
父死子立及嗣王即位乃一來耳各以其所貴寶為
摯則蕃國之君無執玉瑞者是以謂其君為小賓臣
為小客所貴寶見傳者若犬戎獻白狼白鹿是也其
餘則周書王會備焉 絺勅之反續音曠

王之所以撫邦國諸侯者歲徧存三歲徧頰五歲徧省

七歲屬象胥諭言語協辭命九歲屬瞽史諭書名聽聲
音十有一歲達瑞節同度量成牢禮同數器脩瀟則十
有二歲王巡守殷國

註曰撫猶安也存頰省者王使臣於諸侯之禮所謂
間問也歲者巡守之明歲以為始也屬猶聚也自五
歲之後遂間歲徧省也七歲省而召其象胥九歲省
而召其瞽史皆聚於天子之宮教習之也胥讀為譖
王制曰五方之民言語不通嗜慾不同達其志通其

愆東方曰寄南方曰象西方曰狄鞮北方曰譯此官
正為象者周始有越裳重譯而來獻是因通言語之
官為象胥云謂謂象之有才知者也辭命六辭之命
也瞽樂師也史大史小史也書名書之字也古曰名
聘禮曰百名以上至十一歲又徧省焉度丈尺也量
豆區釜也數器銓衡也灋八灋也則八則也達同成
脩皆謂齋其灋式行至則齊等之也成平也平其僭
踰者也王巡守諸侯會者各以其時之方書曰遂觀

東后是也其殷國則四方四時分來如平時 疏曰
如平時者謂分四方各遂春夏秋冬如平時若六服
盡來即與四時別也 王光遠曰存者問而存之也
頰者問而視之也省者巡而察之也頰則詳於存省
則詳於頰 徐氏曰十一歲而達同成脩之者為巡
守攷制度張本也 呂伯恭曰巡守之禮此乃維持
政治攝提人心大抵人心久則易散政治久則必有
缺一次巡守又提攝整頓一次此所以新新不已之

意 屬章束反譯音亦諳思叙反鞮丁兮反齋子兮

反

凡諸侯之王事辨其位正其等協其禮賓而見之

註曰王事以王之事來也詩云莫敢不來王孟子曰

諸侯有王 疏曰位謂九十七十五步之位等謂

尊卑之等冕服旌旗貳車之類也禮謂牢禮饗燕積

膳之禮

若有大喪則詔相諸侯之禮

註曰詔相左右教告之也 疏曰諸侯為天子斬其
哭位周旋擗踊進退皆有禮灋 相息亮反

若有四方之大事則受其幣聽其辭

註曰四方之大事謂國有兵寇諸侯來告急者禮動
不虛皆有贄幣以崇敬也受之以其事入告王也聘
禮曰若有言則以束帛如享禮

凡諸侯之邦交歲相問也殷相聘也世相朝也

註曰小聘曰問殷中也久無事又於殷朝者及而相

聘也父死子立曰世凡君即位大國朝焉小國聘焉
此皆所以習禮攷義正刑一德以尊天子也必擇有
道之國而就脩之鄭司農說殷聘以春秋傳曰孟僖
子如齊殷聘是也 疏曰言諸侯邦交謂同方嶽者
○小行人掌邦國賓客之禮籍以待四方之使者

註曰禮籍名位尊卑之書使者諸侯之臣使來者也
疏曰大行人待諸侯身小行人待諸侯之使者其
邦之禮籍則諸侯及臣皆在焉

令諸侯春入貢秋獻功王親受之各以其國之籍禮之
註曰貢六服所貢也功考績之功也秋獻之若今計
文書斷於九月其舊瀆疏曰此云貢即大宰九貢
凡諸侯入王則逆勞于畿

註曰鄭司農云入王朝於王也故春秋傳曰宋公不
王又曰諸侯有王王有巡守

○及郊勞眡館將幣為承而擯

註曰眡館致館也承猶丞也王使勞賓於郊致館於

賓至將幣使宗伯為上擯皆為之丞而擯之 疏曰
此經三事皆為丞而擯之眠者使卿大夫往眠觀其
可否郊勞王使大行人勞於郊也惟將幣時大宗伯
為上擯

○凡四方之使者大客則擯小客則受其幣而聽其辭
註曰擯者擯而見之王使得親言也受其幣者受之
以入告其所為來之事 疏曰此時聘殷纘之時要
服以內之使臣則擯而見之王蕃國之使臣是夷人

不能行禮故直聽其辭而已 勞力報反

使適四方協九儀賓客之禮朝覲宗遇會同君之禮也
存瀕省聘問臣之禮也

註曰適之也協合也 黃文叔曰朝覲宗遇會同諸
侯所以尊天子也而通乎兩君之相朝是則皆君禮
也存瀕省天子所以撫諸侯也聘問邦交歲相問殷
相聘也是則皆臣禮也

達天下之六節山國用虎節土國用人節澤國用龍節

皆以金為之道路用旌節門闕用符節都鄙用管節皆以竹為之

註曰此謂邦國之節也達之者使之四方亦皆齋灋式以齊等之也諸侯使臣行類聘則以金節授之以為行道之信也虎人龍者自其國象也道路謂鄉遂大夫也都鄙者公之子弟及卿大夫之采地之吏也凡邦國之民遠出至他邦他邦之民若來入由國門者門人為之節由闕者闕人為之節其以徵令及家

徙鄉遂大夫及采地吏為之節皆使人執節將之以
達之亦有期以反節管節如今之竹使符也其有商
者通之以符節如門關門關者與市聯事節可同也
亦所以異於畿內也凡節有天子之灋式存於國
疏曰此經亦是適四方之事言達天下之六節者據
侯國而言案掌節云守邦國者用玉節此不言達玉
節者文畧亦達可知又掌節貨賄璽節門關符節各
別此中無貨賄文明有商同用符節可知

卷二十二
成六瑞王用璜圭公用桓圭侯用信圭伯用躬圭子用
穀璧男用蒲璧

註曰成平也瑞信也皆朝見所執以為信 疏曰此

亦適四方 璜吐電反宜作鎮信音申

合六幣圭以馬璋以皮璧以帛琮以錦琥以繡璜以黼
此六物者以和諸侯之好故

註曰合同也六幣所以享也五等諸侯享天子用璧
享后用琮其大各如其瑞皆有庭實以馬若皮皮虎

豹皮也用圭璋者二王之後也二王後尊故享用圭璋而特之禮器曰圭璋特義亦通於此其於諸侯亦用璧琮耳子男於諸侯則享用琥璜下其瑞也凡二王後諸侯相享之玉大小各降其瑞一等及使卿大夫頰聘亦如之疏曰此亦小行人至諸侯之國也六者之中馬皮二者本非幣云六幣者二者雖非幣帛以用之當幣處故總號為幣也王光遠曰以其通情而來則謂之好以其因事而來則為之故劉

原父曰九儀既正乃達六節以為行道之符乃成六瑞以為朝見之信乃合六幣以致用享之誠 琮才

宗反琥音虎璜音黃

若國札喪則令賻補之若國凶荒則令調委之若國師役則令槁禴之若國有福事則令慶賀之若國有禍災則令哀弔之凡此五物者治其事故

註曰鄭司農云賻補之謂賻喪家補助其不足也若今時一室二尸則官與之棺也槁謂槁師也立謂師

役者國有兵寇以匱病者也使鄰國合會財貨以與之春秋定五年夏歸粟於蔡是也宗伯職曰以禴禮哀圍敗禍哉水火 疏曰凶禮有五唯不見恤禮以義差之當於師役中兼之 李子華曰凡此五物者大宗伯雖已具是灋小行人則令行是灋諸侯不得自相往來小行人所以令之 坡謂治其事故者如札喪則令賻補凶荒則令賙委之類不得有失且使悉有實惠不如澶淵無歸宋財皆治也事故事之舊

式也 賻故書作傅槁作槁可與反禮音會

及其萬民之利害為一書其禮俗政事教治刑禁之逆
順為一書其悖逆暴亂作慝猶犯令者為一書其札喪
凶荒厄貧為一書其康樂和親安平為一書凡此五物
者每國辨異之以反命于王以周知天下之故

註曰慝惡也猶圖也 鄭剛中曰康樂謂民之樂和

親謂鄰國之交歡安平謂其國之寧靜 疏曰此總

陳小行人使適四方所採風俗善惡之事各各條錄

別為一書以報上也 徐氏曰錄其利害則興除之
宜在是錄其逆順則慶讓之道在是錄其悖逆等則
征誅之舉在是錄其札喪與其康樂等則休戚共之
矣凡此五物每國辨異之以為使歸之獻則王必有
以處此矣 樂音洛

○司儀掌九儀之賓客擯相之禮以詔儀容辭令揖讓
之節

註曰出接賓曰擯入贊禮曰相以詔者以禮告王

李子華曰儀者禮文也此儀既設人情委曲行乎揖遜儀容之節自然有士君子之行司儀之職特司之而已相悉亮反

將合諸侯則令為壇三成宮旁一門

註曰合諸侯謂有事而會也為壇于國外以命事宮謂壇土以為牆處所謂為壇壇宮天子春帥諸侯拜日於東郊則為壇於國東夏禮日於南郊則為壇於國南秋禮山川邱陵於西郊則為壇於國西冬禮月

四瀆於北郊則為壇於國北既拜禮而還加方明於壇上而祀焉所以教尊尊也覲禮曰諸侯覲於天子為官方三百步四門壇十有二尋深四尺是也王巡守殷國而同則其為宮亦如此與鄭司農云三成三重也爾雅曰邱一成為敦邱再成為陶邱三成為昆侖邱謂三重 疏曰令令封人

○詔王儀南鄉見諸侯土揖庶姓時揖異姓天揖同姓 註曰謂王既祀方明諸侯上介皆奉其君之旂置于

宮乃詔王升壇諸侯皆就其旂而立諸公中階之前
北面東上諸侯東階之東西面北上諸伯西階之西
東面北上諸子門東北面東上諸男門西北面東上
王揖之者定其位也庶姓無親者也土揖推手小下
之也異姓昏姻也時揖平推手也衛將軍文子曰獨
居思仁公言言義其聞詩也一日三復白圭之玷是
南宮縚之行也夫子信其仁以為異姓謂妻之也天
揖推手小舉之 疏曰謂諸侯各就位立王在壇亦

立司儀乃告王升壇南向見諸侯乃揖之土揖庶姓
已下先踈後親為次

○及其擯之各以其禮公於上等侯伯於中等子男於
下等

註曰謂執玉而前見於王也擯之各以其禮者謂擯
公者五人侯伯四人子男三人也上等中等下等者
謂所奠玉處也壇三成深四尺則一等一尺也壇十
有二尋方九十六尺則堂上二丈四尺每等丈二尺

與諸侯各於其等奠玉降拜升成拜明臣禮也既乃升堂授王玉 疏曰下云將幣據三享故知此文擯之據執玉見王也

○其將幣亦如之其禮亦如之

註曰將幣享也禮謂以鬱鬯裸之也皆於其等之上
○王燕則諸侯毛

註曰謂以須髮坐也朝事尊尊上爵燕則親親上齒
鄭司農云謂老者在上也老者二毛故曰毛 疏曰

此乃不問爵之尊卑取以年齒為先後也 壝惟癸

反鄉許亮反重直龍反下三重重耳同

凡諸公相為賓

註曰謂相朝也

○主國五積三問皆三辭拜受皆旅擯再勞三辭三揖
登拜受拜送

註曰賓所停止則積間濶則問行道則勞其禮皆使
卿大夫致之從來至去數如此也三辭辭其以禮來

於外也積問不言登受之於庭也旅讀為鴻臚之臚
臚陳之也賓之介九人使者七人皆陳擯位不傳辭
也賓之上介出請使者則前對位皆當其末擯焉三
揖謂庭中時也拜送送使者 疏曰再勞一勞在境
一勞在遠郊皆使卿其近郊勞當主君親為之也其
積問當使大夫故下句云致殮如致積之禮聘禮宰
夫朝服設殮宰夫即大夫問亦小禮明亦使大夫也
○主君郊勞交擯三辭車逆拜辱三揖三辭拜受車送

三還再拜

註曰主君交勞備三勞而親之也交擯者各陳九介使傳辭也車迎拜辱者賓以主君親來乘車出舍門而迎之若欲遠就之然見之則下拜迎謝其自屈辱來也至去又出車若欲遠送然主君三還辭之乃再拜送之也車送迎之節各以其等則諸公九十步立當車軹也三辭重者先辭辭其以禮來於外後辭辭升堂 疏曰三揖者入門及當曲當碑為三揖拜受

賓再拜乃受幣主君亦當拜送不言省文也鄭謂各陳九介者以其在道俱不為主故無五擯之事故各陳九介云立當車軹者賓主俱立當軹

致館亦如之

註曰館舍也使大夫授之君又以禮親致焉疏曰凡云致者皆有幣以致之

○致殮如致積之禮

註曰俱使大夫禮同也殮食也小禮曰殮大禮曰饗

餼

○及將幣交擯三辭車逆拜辱賓車進答拜三揖三讓
每門止一相及廟惟上相入賓三揖三讓登再拜授幣
賓拜送幣每事如初賓亦如之及出車送三請三進再
拜賓三還三辭告辟

註曰鄭司農云交擯擯者交也賓三還三辭告辟賓
三還辭謝言已辟去也玄謂既三辭主君則乘車出
大門而迎賓見之而下拜其辱賓車乃前下答拜也

三揖者相去九十步揖之使前也至而三讓讓入門也相謂主君擯者及賓之介也謂之相者於外傳辭耳入門當以禮詔侑也介紹而傳命者君子於其所尊不敢質敬之至也每門止一相彌相親也君入門介拂闌大夫中棖與闌之間士介拂棖此為介鴈行相隨也止之者絕行在後耳賓三揖三讓讓升也登再拜授幣授當為受主人拜至且受玉也每事如初謂享及有言也賓當為儻謂以鬱鬯禮賓也上於下

曰禮敵者曰儻禮器曰諸侯相朝灌用鬱鬯無邊豆
之薦謂此朝禮畢儻賓也三請三進請賓就車也主
君每一請車一進欲遠送之也三還三辭主君一請
者賓亦一還一辭 疏曰至將幣謂賓初至館後日
行朝禮之時幣即圭璋也交擯三辭者賓去門九十
步而陳九介主君在大門外之東陳五擯上擯入受
命出請事傳辭與承擯承擯傳與末擯末擯傳與末
介末介傳與承介承介傳與上介上介傳與賓賓又

傳與上介自下逆上傳至上擯上擯入告君如是者
三謂之交擯三辭凡交擯者例皆如此也

致饗餼還圭饗食致贈郊送皆如將幣之儀

註曰此六禮者惟饗食速賓耳其餘主君親往親往
者賓為主人主人為賓君如有故不親饗食則使大
夫以酬幣侑幣致之鄭司農云還圭歸其玉也故公
子重耳受飧反璧玄謂聘以圭璋禮也享以璧琮財
也已聘而還圭璋輕財而重禮贈送以財既贈又送

至于郊

○賓之拜禮拜饗餼拜饗食

註曰鄭司農云賓之拜禮者因言賓所當拜者之禮也所當拜者拜饗餼拜饗食玄謂賓將去就朝拜謝此三禮三禮禮之重者也賓既拜主君乃至館贈之去又送之于郊疏曰案聘禮饗餼燕羞做獻之明日賓皆拜于朝將去又三拜乘禽于朝彼臣故盡拜謝君畧小惠將去惟拜其大禮也

○賓繼主君皆如主國之禮

註曰鄭司農云賓繼主君復主人之禮費也故曰皆如主國之禮玄謂繼主君者儻主君也儻之者主君郊勞致館饗餼還圭贈郊送之時也如其禮者謂玉帛皮馬也有饌陳之積者不如也若饗食主君及燕亦速焉積子賜反旅如字又音臚飧素尊反授幣音受賓亦如之依註作擯辟音避食音嗣凡饗食皆同侑音又闌魚列反根直庚反行戶剛反

諸侯諸伯諸子諸男之相為賓也各以其禮相待也如
諸公之儀

註曰賓主相待之儀與諸公同也饗餼饗食之禮則
有降殺 疏曰五等諸侯以命數分為三等其圭璋
饗餼殮積步數擯介皆降殺其進退揖讓之儀則一
與公同 殺色界反下同

諸公之臣相為國客

註曰謂相聘也

○則三積皆三辭拜受

註曰受者受之於庭也侯伯之臣不致積 疏曰案聘禮是侯伯之卿使者經不云積明不致積可知但不以束帛行禮致之豈於道全無積乎明有也

○及大夫郊勞旅擯三辭拜辱三讓登聽命下拜登受賓使者如初之儀及退拜送

註曰登聽命賓登堂也賓當為僎勞用束帛僎用束錦侯伯之臣受勞於庭 疏曰案儀禮此亦近郊勞

也賓使者如初之儀者謂使傳命訖禮畢出門賓以東錦儻使者如初行勞時之儀

○致館如初之儀

註曰如郊勞也不擯耳侯伯之臣致館于庭不言致殮者君於聘大夫不致殮也聘禮曰殮不致賓不拜○及將幣旅擯三辭拜逆客辟三揖每門止一相及廟唯君相入三讓客登拜客三辟授幣下出每事如初之儀

註曰客辟逡巡不答拜也唯君相入客臣也相不入矣拜主君拜客至也客三辟三退負序也每事享及有言 疏曰將幣亦謂圭璋也旅擯三辭亦謂於主君大門外主君陳五擯客陳七介不傳辭也三辭者辭主君以大客禮當已也拜逆者三辭訖主君遣上擯納賓賓入大門主君在大門內南面拜賓

○及禮私面私獻皆再拜稽首君答拜

註曰禮以醴禮客私面私覲也既覲則或有私獻者

鄭司農云說私面以春秋傳曰楚公子棄疾見鄭伯以其乘馬私面疏曰此三者皆於聘之日行之故并言之

○出及中門之外問君客再拜對君拜客辟而對君問大夫客對君勞客客再拜稽首君答拜客趨辟

註曰中門之外即大門之內也問君曰君不恙乎對曰使臣之來寡君命臣于庭問大夫曰二子不恙乎對曰寡君命使臣於庭二子皆在勞客曰道路

悠遠客甚勞勞介則曰二三子甚勞問君客再拜對
曰為敬慎也 疏曰賓來主為以君命行聘享是以
先行聘享訖乃始行私相慰問之事

○致饗餼如勞之禮饗食還圭如將幣之儀

註曰饗食亦謂君不親而使大夫以幣致之 疏曰

致饗餼如勞之禮者同使卿威儀進止皆如上郊勞
之禮致饗及還玉賓主皆是大夫其將幣主君與使
臣行禮如將幣者蓋不盡如之所如者如旅擯主人

皮弁賓皮弁襲將幣同自餘則別是以聘禮君使卿皮弁還玉于館賓皮弁襲迎于外門外不拜帥大夫以入大夫升自西階鉤楹賓自碑內聽命升自西階自左南面受圭退負右房而立是與將幣別之序也

○君館客客辟介受命遂送客從拜辱于朝

註曰君館客者客將去就省之盡殷勤也遂送君拜以送客

○明日客拜禮賜遂行如入之積

註曰禮賜謂乘禽君之加惠也如入之積則三積從來至去 積子賜反勞老報反辟音避從才用反甚勞如字

凡侯伯子男之臣以其國之爵相為客而相禮其儀亦如之

註曰爵卿也大夫也士也 疏曰諸侯之臣言爵相為客而相禮者不離三等卿大夫士蓋以命數則參差難等畧於臣用爵而已以此三等相禮也其儀亦

如之者亦以三等相差七十步七介五十步五介三十步三介小聘使大夫又降殺也 相禮息亮反

凡四方之賓客禮儀辭命餼牢賜獻以二等從其爵而上下之

註曰上下猶豐殺也 疏曰二等即與大行人云諸

侯之卿各下其君二等大夫士亦如之大夫下卿士下大夫降殺以兩解之同也 坡謂上言公與公國

君臣相賓客侯伯子男與侯伯子男君臣相賓客其

爵等其禮同如上所言也此經則言一國待四方之禮

凡賓客送逆同禮

註曰謂郊勞郊送之屬

○凡諸侯之交各稱其邦而為之幣以其幣為之禮

註曰幣享幣也於大國則豐於小國則殺主國禮之如其豐殺謂賄用束紡禮用玉帛乘皮及贈之屬疏曰此一經論享幣多少及主國報禮輕重之事

稱尺證反

凡行人之儀不朝不夕不正其主面亦不背客

註曰謂擯相傳辭時也不正東鄉不正西鄉常視賓主之前卻得兩鄉之而已 鄉許亮反

○行夫掌邦國傳遽之小事媿惡而無禮者凡其使也必以旌節雖道有難而不時必達

註曰傳遽若今時乘傳騎驛而使者也媿福慶也惡喪荒也此事之小者無禮行夫主使之道有難謂遭

疾病他故不以時至也必達王命不可廢也其大者
有禮大小行人使之有故則介傳命不嫌不達 疏
曰行夫者以身自行於外無擯介而單行謂之無禮
也媼謂諸侯生男及嫁娶等惡謂民有死喪及年穀
不熟若諸侯薨等大事即使卿大夫不使行夫也
傳張戀反註同使色吏反難乃旦反

居於其國則掌行人之勞辱事焉使則介之

註曰使謂大小行人也故書曰夷使鄭司農云夷使

使於四夷則行夫主為之介玄謂夷發聲 焉劉音夷

○環人掌送逆邦國之通賓客以路節達諸四方

註曰通賓客以常事往來者也路節旌節也四方圻上 疏曰邦國之賓客謂朝覲會同者也云四方圻上者至畿即入諸侯國諸侯國自有通之者也

○舍則授館令聚橐有任器則令環之

註曰令令野廬氏也鄭司農云四方人有任器者則

環人主令殉環守之 疏曰任器謂賓客任用之器

殉音循

凡門關無幾送逆及疆

疏曰環人送逆之則賓客出入不見幾

○象胥掌蠻夷閩貉戎狄之國使掌傳王之言而諭說
焉以和親之

註曰謂蕃國之臣來順聘者 閩迷巾反使色吏反
若以時入賓則協其禮與其辭言傳之

註曰以時入賓謂其君以世一見來朝為賓者

凡其出入送逆之禮節幣帛辭令而賓相之

註曰自來至去皆為擯而相侑其禮儀 疏曰夷狄

無玉帛來向中國而云幣帛者謂王有賜與之禮也

徐氏曰辭令天子誥諭之辭令也 賓相音擯相

息亮反下同

凡國之大喪詔相國客之禮儀而正其位凡軍旅會
同受國客幣而賓禮之

鄭剛中曰國客謂四夷遣其臣來也中國之客自有大小行人掌正其位 劉執中曰若其入賓而遇國之大喪則詔相其禮儀以正其位若遇軍旅會同則受其幣而賓禮之皆謂蕃國也

凡作事王之大事諸侯次事卿次事大夫次事上士下事庶子

註曰作使也鄭司農云王之大事諸侯使諸侯執大事也次事卿使卿執其次事也次事使大夫次事使

上士下事使庶子 王光遠曰凡作事謂作四夷之事王之大事謂有戎事於四夷也諸侯以敵王所愾為事故大事在諸侯次事則非戎事謂威讓之令文誥之辭或施於四夷者則量其事之輕重或以卿大夫或以上士也若夫下事則事之尤小者故以庶子而已

○掌客掌四方賓客之牢禮餼獻飲食之等數與其政

治

註曰政治邦新殺禮之屬

王合諸侯而饗禮則具十有二牢庶具百物備諸侯長十有再獻

註曰饗諸侯而用王禮之數者以公侯伯子男盡在是兼饗之莫敵用也諸侯長九命作伯者也獻公侯以下如其命數 疏曰合謂時會殷同 長知丈反 敵丁歷反一作適音的

王巡守殷國則國君膳以牲犢令百官百姓皆具從者

三公眡上公之禮卿眡侯伯之禮大夫眡子男之禮士
眡諸侯之卿禮庶子壹眡其大夫之禮

註曰國君者王所過之國君也犢藟粟之犢也以膳
天子貴誠也牲孕天子不食也祭帝不用也凡賓客
則皆角尺令者掌客令主國也百牲皆具言無有不
具備 疏曰王巡守則殷同殷同則殷國也王巡守
至於四嶽之下當方諸侯或所在經過或至方嶽之
下若殷國或在王城出畿外在諸侯之國所在之處

皆設禮待王故巡守殷國並言也膳亦謂殷膳時也
令百官百姓皆具者此文與下為目百官即三公以
下是也 從才用反繭古典反

凡諸侯之禮上公五積皆眡殮牽三問皆脩羣介行人
宰史皆有牢殮五牢食四十簋十豆四十鉶四十有二
壺四十鼎簋十有二牲三十有六皆陳饗餼九牢其死
牢如殮之陳牽四牢米百有二十筥醢百有二十甗
車皆陳車米眡生牢牢十車車秉有五斂車禾眡死牢

牢十車車三秬芻薪倍禾皆陳乘禽日九十雙殷膳大
牢以及歸三饗三食三燕若弗酌則以幣致之凡介行
人宰史皆有殮饗餼以其爵等為之牢禮之陳數唯上
介有禽獻夫人致禮八壺八豆八籩膳大牢致饗大牢
食大牢卿皆見以羔膳大牢侯伯四積皆眡殮牽再問
皆脩殮四牢食三十有二簋八豆三十有二鉶二十
有八壺三十有二鼎簋十有二腥二十有七皆陳饗餼
七牢其死牢如殮之陳牽三牢米百筥醢醢百饗皆陳

米三十車禾四十車芻薪倍禾皆陳乘禽日七十雙殷膳大牢三饗再食再燕凡介行人宰史皆有殮饗餼以其爵等為之禮唯上介有禽獻夫人致禮八壺八豆八籩膳大牢致饗大牢卿皆見以羔膳特牛子男三積皆眡殮牽壹問以脩殮三年食二十有四簋六豆二十有四鉶十有八壺二十有四鼎簋十有二牲十有八皆陳饗餼五年其死牢如殮之陳牽二年米八十筥醢醢八十甕皆陳米二十車禾三十車芻薪倍禾皆陳乘禽日

五十雙壹饗壹食壹燕凡介行人宰史皆有殮饗餼以
其爵等為之禮唯上介有禽獻夫人致禮六壺六豆六
籩膳眡致饗親見卿皆膳特牛

註曰積皆眡殮牽謂所共如殮而牽牲以往不殺也
不殺則無鉶鼎簋簠之實其米實于筐豆實實于甕
其設筐陳于楹內甕陳于楹外牢陳于門西車米禾
芻薪陳于門外壺之有無未聞三問皆脩脩脯也上
公三問皆脩下甸云羣介行人宰史皆有牢君用脩

而臣有牢非禮也蓋著脫字失處且誤耳殮客始至致小禮也公侯伯子男殮皆飪一牢其餘牢則腥食者其庶羞美可食者也其設蓋陳于楹外東西不過四列簠稻梁器也公十簠堂上六西夾東夾各二也侯伯八簠堂上四西夾東夾各二子男六簠堂上二西夾東夾各二豆菹醢器也公四十豆堂上十六西夾東夾各十二侯伯三十二豆堂上十二西夾東夾各十子男二十四豆堂上十二西夾東夾各六禮器

曰天子之豆二十有六諸公十有六諸侯十有二上大夫八下大夫六以聘禮差之則堂上之數與此同
銅羹器也公銅四十二侯伯二十八子男十八非衰差也二十八書或為二十四亦非也其於衰公又當三十於言又為無施禮之大數銅少於豆推其衰公銅四十二宜為三十八蓋近之矣則公銅堂上十八西夾東夾各十侯伯堂上十二西夾東夾各八子男堂上十西夾東夾各四壺酒器也其設於堂夾如豆

之數鼎牲器也簋黍稷器也鼎十有二者飪一牢正
鼎九與陪鼎三皆設于西階前簋十二者堂上八西
夾東夾各二合言鼎簋者牲與黍稷俱食之主也牲
當為腥聲之誤也腥謂腥鼎也於侯伯云腥二十有
七其故腥字也諸侯禮盛腥鼎有鮮魚鮮腊每牢皆
九為列設于阼階前公腥鼎三十六腥四牢也侯伯
腥鼎二十七腥三牢也子男腥鼎十八腥二牢也皆
陳陳列也飧門內之實備于是矣亦有車米禾芻薪

公殮五牢米二十車禾三十車侯伯四牢米禾皆二十車子男三牢米十車禾二十車芻薪皆倍其禾饗餼既相見致大禮也大者既兼殮積有生有腥有熟餘又多也死牢如殮之陳亦飪一牢在西餘腥在東也牽生牢也陳于門西如積也米橫陳于中庭十為列每筥半斛公侯伯子男黍梁稻皆二行公稷六行侯伯稷四行子男二行醢醢夾碑從陳亦十為列醢在碑東醢在碑西皆陳於門內者於公門內之陳也言

車者衍字耳車米載車之米也聘禮曰十斗曰斛十
六斗曰籩十籩曰秉每車秉有五籩則二十四斛也
禾稾實并刈者也聘禮曰四秉曰筥十筥曰稷十稷
曰秬每車三秬則三十稷也稷猶束也米禾之秉筥
字同數異禾之秉手把耳筥讀為棟栲之栲謂一穢
也皆陳橫陳門外者也米在門東禾在門西芻薪雖
取數於禾薪從米芻從禾也秉禽秉行羣處之禽謂
雉雁之屬於禮以雙為數殷中也中又致膳示念賓

也若弗酌謂君有故不親饗食燕也不饗則以酬幣致之不食則以侑幣致之凡介行人宰史衆臣從賓者也行人主禮宰主具史主書皆有飧饗餼尊其君以及臣也以其爵等為之牢禮之數陳爵卿也則飧二牢饗餼五牢大夫也則飧大牢饗餼三牢士也則飧少牢饗餼大牢也此降小禮豐大禮也以命數則參差難等畧於臣用爵而已夫人致禮助君養賓也籩豆陳於戶東壺陳於東序凡夫人之禮皆使下大

夫致之於子男云膳視致饗言夫人致膳於小國君
以致饗之禮則是不復饗也饗有壺酒鄉皆見者見
於賓也既見之又膳之亦所以助君養賓也卿見又
膳此聘禮卿大夫勞賓餼賓之類與於子男云親見
卿皆膳特牛見讀如卿皆見之見言卿於小國之君
有不故造館見者故造館見者乃致膳鄭司農說牽
云牲可牽行者也故春秋傳曰餼牽竭矣秣讀為秣
秣麻答之秣 疏曰此一經並是諸侯自相朝主國

待賓之禮若然天子掌客不見天子待諸侯禮而見諸侯自相待者以外包內天子待諸侯亦同諸侯自相待可知 鄭剛中曰攷此文有夫人致禮之事則知為諸侯待賓客之禮無疑 積子賜反鋤音刑三十有六及牲十有八當作腥筍姜呂反甕鳥弄反藪素口反秬丁故反三食音嗣下食大牢再食壹食註不食同餘如字見賢遍反飪而甚反差初宜反衰初危反相見不見而見皆讀如字行戶剛反稷子工

反又音總 梟音呂 濟才計反 造七報反 祕音姊

凡諸侯之卿大夫士為國客則如其介之禮以待之

註曰言其特來聘問待之禮如其為介時然則聘禮

凡所以禮賓是亦禮介 坡謂自上公五積至此皆

詳主國所以待公侯伯子男及其卿大夫士之禮而

王之從者公卿大夫士庶子待之之禮舉此矣

從才用反

凡禮賓客國新殺禮凶荒殺禮札喪殺禮禍裁殺禮在

野在外殺禮

註曰皆為國省用愛費也國新新建國也凶荒無年也禍哉新有兵寇水火也疏曰野外忽遽禮物不可卒備故亦殺之殺色界反

凡賓客死致禮以喪用

註曰死則主人為之具而殯矣喪用者饋奠之物

疏曰如小殮特豚一鬲大殮時特豚三鬲之類是也

○賓客有喪惟芻稍之受

註曰不受饗食饗食加也喪謂父母死也客則又有君馬芻給牛馬稍人廩也其正禮飧饗餼主人致之則受

○遭主國之喪不受饗食受牲禮

註曰牲亦當為腥聲之誤也有喪不忍煎亨正禮飧饗餼當熟者腥致之也 稍所教反亨普庚反

○掌訝掌邦國之等籍以待賓客

註曰等九儀之差數 訝誤化反

若將有國賓客至則戒官脩委積與士逆賓于疆為前
驅而入

註曰官謂牛人羊人舍人委人之屬士訝士也既戒
乃出迎賓

○及宿則令聚櫜

註曰令令野廬氏

○及委則致積

註曰以王命致于賓

至于國賓入館次于舍門外待事于客

註曰次如今官府門外更衣處待事于客通其所求索

及將幣為前驅

註曰道之以如朝

○至于朝詔其位入復及退亦如之

註曰鄭司農云詔其位告客以其位次也玄謂入復者入告王以客至也退亦如之如其為前驅 疏曰

于朝者即是大門外陳擯介之處 道音導下同

凡賓客之治令訝訝治之

註曰賓客之治謂欲正其貢賦理國事也以告訝訝
為如朝而理之

○凡從者出則使人道之

註曰從者凡介以下也人其屬胥徒也使道賓客之
從者營護之

○及歸送亦如之

註曰如之者送至於竟如其前驅聚禳待事之屬
從才用反註同竟音境

凡賓客諸侯有卿訝卿有大夫訝大夫有士訝士皆有
訝

註曰此謂朝覲聘問之日王所使迎賓客於館之訝
疏曰案聘禮記云卿大夫訝大夫士訝士皆有訝
賓即館訝將公命又見之以其摯聘問之日亦使之
訝天子有掌訝之官即館之訝餘事皆掌主之惟朝

覲聘問之日使卿大夫訝諸侯兼官故大夫士為訝
賓即館時即為之訝與此掌訝不同也

凡訝者賓者至而往詔相其事而掌其治令

易彥祥曰上經因訝賓客而及卿大夫即館之訝此
復言掌訝之職凡言脩委積以下皆所治之令 相
息亮反

○掌交掌以節與幣巡邦國之諸侯及其萬民之所聚
者道王之德意志慮使咸知王之好惡辟行之

註曰節以為行信幣以見諸侯也咸皆也辟讀如辟
忌之辟使皆知王之所好者而行之知王所惡者辟
而不為 疏曰案序官掌交中士八人天下九州千
六百餘國使皆周徧必無徧理今言之者蓋是國有
不知治者徧使知之也 好呼報反惡烏路反辟音

避註同

使和諸侯之好

註曰有欲相與脩好者則為和合之 疏曰下有結

其交好為朝聘則此好謂使為婚姻之好也

○達萬民之說

註曰說所喜也達者達之於王若其國君 說音悅

掌邦國之通事而結其交好

註曰通事謂朝覲聘問也

○以諭九稅之利九禮之親九牧之維九禁之難九戎之威

註曰諭告曉也九稅所稅民九職也九禮九儀之禮

九牧九州之牧九禁九灋之禁九戎九伐之戎 坡
謂下而九稅取之有常則民足而君利中之九禮九
牧則善鄰而親仁上之九禁九伐則奉灋而畏威夏
官之匡人禫人所以消兵於未形也此之掌交刑期
于無刑也 難乃旦反禫他南反

○掌察

闕

○掌貨賄

闕

○朝大夫掌都家之國治

註曰都家王子弟公卿及大夫之采地也主其國治者平理其來文書於朝者

日朝以聽國事故以告其君長

註曰國事故天子之事當施於都家者也告其君長使知而行之也君謂其國君長其卿大夫也 朝直遙反長丁丈反下同

國有政令則令其朝大夫

註曰使以告其都家之吏 坡謂上文國事故乃天

子曰所施為者聽之以告其君長使知王之所好惡而辟行之也此政令方是當施於都家者 辟音避 凡都家之治於國者必因其朝大夫然後聽之唯大事弗因

註曰謂以小事文書來者朝大夫先平理之乃以告有司也大事者非朝大事者非朝大夫所能平理 凡都家之治有不及者則誅其朝大夫

註曰不及謂有稽殿之

在軍旅則誅其有司

註曰有司都司馬冢司馬

○都則闕

○都士闕

○冢士闕

坡謂右自大司寇小司寇士師三長官而下鄉士主
國獄遂士主郊縣士主野方士主都冢畿內也訝士
主四方獄訟畿外也次以朝士者諸斷獄弊訟皆於

外朝也次以司民者見民者天之所司王之所敬作天之牧受王嘉師當有仁恩憫念也獄訟既弊有五刑以麗其辟故次司刑有刺宥以議其輕重故次司刺有大亂獄則故府之典章在故次司約有疑獄不決則天威之嚴在故次司盟於是罪輕而贖刑者則職金受其入次之罪重而孥戮者則司厲執其灋次之稍重而未麗於灋者則司圜主收教又次之已在刑者則囚而刑殺故掌囚掌戮又次之從坐者恕其

死因存其生故司隸罪隸又次之繼以蠻閩夷貉四隸者蓋征伐四夷所得同名為隸皆此意也繼犬人于司厲者司厲治盜大能逐盜者也雖然刑非得已也禁於未發則民安而上不煩故布憲禁於天下禁殺戮禁暴氏禁于國中野廬氏蜡氏雍氏萍氏司寤氏所以使行者無害死者有主陸走者無險阻水浮者不沒溺時其宵晝行止以節皆道路之禁也司烜氏條狼氏脩閭氏皆祭祀軍旅之禁也自冥氏至庭

氏十二職草木鳥獸為民害者驅而除之義之盡也
繼以銜枚氏司囂者無端歌哭雜氣妖聲人化物者
不祥也故次之於是刑事盡矣次以伊耆氏者秋養
耆老故也次以大行人等官者賓位於西北天地之
義氣屬秋也朱子又曰凡諸侯朝覲會同之禮既畢
則降而肉袒請刑司寇主刑故屬焉此又較著也大
行人小行人主迎賓客賓客既至見於王則有儀故
司儀次之而行夫掌小事環人掌送逆象胥掌四夷

國使官卑禮簡又次之賓客朝見既畢有饗飧牢禮
之歸故掌客次之賓客自來至去皆有訝故掌訝終
焉掌交則王所以交於諸侯也附以朝大夫者都家
王畿之內也自大司寇至職末凡官六十有六其掌
祭掌貨賄都則都士冢士文闕不敢強為之次 貉
音陌蜡音聚烜音燬條音滌強其兩反

周禮述註卷二十二